



Publicaziuns dalla vischnaunca, jamna 10

Damondas da baghegiar

2014-1007.000

Datum dalla publicaziun: 7 da mars 2014

Il patrun: Florentin Tenner-Gysin, Via Prau 2, 7180 Disentis/Mustér

Il representant: Florentin Tenner-Gysin, Via Prau 2, 7180 Disentis/Mustér

Object: Endrizzar in menaschi cun commerci da lenna da brisch, parcella 1594, Via Prau 2, 7180 Disentis/Mustér

2014-1008.000

Datum dalla publicaziun: 7 da mars 2014

Il patrun: Edgar Monn, Via Sursilvana 19, 7180 Disentis/Mustér

Il representant: Edgar Monn, Via Sursilvana 19, 7180 Disentis/Mustér

Object: Midada d'intent el plaunterren, parcella 892, Via Sursilvana 19, 7180 Disentis/Mustér

2014-1009.000

Datum dalla publicaziun: 7 da mars 2014

Il patrun: Pleiv Sogn Gions, Via Sogn Gions 8, 7180 Disentis/Mustér

Il representant: Willi Lozza, Ugau pervenda, Via Cavardiras 5, 7180 Disentis/Mustér

Object: Spazzada dalla casa pervenda veglia e dil clavau, parcella 3027, Via Sogn Gions 10, 7180 Disentis/Mustér

2014-1010.000

Datum dalla publicaziun: 7 da mars 2014

Il patrun: Roc Durschei-Jacomet, Via Curtins 4, 7186 Segnas

Il representant: Roc Durschei-Jacomet, Via Curtins 4, 7186 Segnas

Object: Spazzar il clavau, parcella 196, Marias, 7186 Segnas

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 3 da mars 2014
Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2014 – 2009

Bruno Tschuor-Dermon, Via Craiers 3, 7180 Disentis/Mustér; construcziun d'in tgamin e fuorn, baghetg annex, parcella 1820, Via Craiers 3, 7180 Disentis/Mustér. Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 3 da mars 2013
Uffeci da baghegiar Disentis/Mustér



Fiera tessinesa

Dumengia, ils 9 da mars 2014 e silsunter mintga **dumengia entochen ils 30 da mars 2014** ha liug ina fiera tessinesa. Ils stans vegnan endrizzai sin il parcadi ad Acla da Fontauna denter la Via Alpsu e la Via Acletta. La fiera ha liug mintgamai naven dallas 11.00 entochen allas 20.00.

Administraziun communal

Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntoscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli gronds. Perquei s'adressein nus a Vus cun ina ferventa supplica: *clamei ils pumpiers mo sur il clom d'urgenza 118*. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: www.pumpiers-sursassiala.ch.

Engraziel per Vies sustegn!
Vos pumpiers Sursassiala

Annunzias per scoletta ed emprema classa

Annunzias pil niev onn da scola 2014/15 per la scoletta e l'emprema classa ein da tarmetter tochen ils **21 da mars 2014** al meinascola (Kai Hinrichsen, Via da scola 5, 7180 Disentis/Mustér).

Scola Mustér

Elecziun Andrea Schmed e Petra Pally

Gievgia, ils 27 da fevrer 2014 ha il cussegl da scola elegiu Andrea Schmed da Mustér e Petra Pally da Curaglia per la piazza vacanta dalla scoletta. La duas mussadras da scoletta vegnan a surprender mintgamai in miez pensum.

Kai Hinrichsen, meinascola

Vischinadi Segnas/Mompé Tujetsch e corporaziun d'arrundaziun Segnas

Invit ad ina sera d'informaziun e discussiun venderdis, ils 28 da mars 2014 allas 20.15 en casa da scola Segnas.

Tractandas:

1. Beinvegni
2. Informaziun megleiraziun Segnas (niev; megleiraziun funsila e buca mo sanaziun da vias sco tochen ussa previu)
3. Surpassadis MGB (cunzun staziun Segnas denton era ulteriurs)
4. Discussiun
5. Varia



Las suandontas persunas ein presentas:

Vischnaunca Mustér

- Francestg Cajacob, president communal, meglieraziun Mustér
- Walter Deplazes, president, meglieraziun Mustér
- Martin Bundi, representant uffeci d'agricultura e geoinformaziun
- Conrad Derungs, planisader Matterhorn Gotthard Bahn (MGB)
- Iso Mazzetta, inschegner e planisader

Cordialmein envida

la suprastonza dil vischinadi Segnas e la suprastonza dalla corporaziun d'arrundaziun Segnas

Radunonza generala dil club da tennis Mustér

Venderdis, ils 7 da mars 2014, allas 19.00 ella cafeteria dil center da sport e cultura Mustér.

Gliesta da tractandas:

1. Beinvegni
2. Elecziun dumbravuschs
3. Protocol dalla radunonza generala dils 2-3-2013
4. Rappors
 - President
 - Interclub
 - Meinaturnier
 - Juniors
5. Quen 2013 e rapport dils revisurs
6. Contribuziuns annualas
7. Budget 2014
8. Entradas/extradas
9. Elecziuns
 - Vicepresident
 - Cassier
 - Cau da juniors
 - Meinaturnier
 - 1 revisur(a) da quen
10. Program da stad
11. Varia

Cordialmein envida

Suprastonza dil club da tennis Mustér

Uniun samaritana Mustér

Nies proxim exercezi meinsil ha liug **gliendisdis, ils 10 da mars 2014**, allas 19.30 en casa da scola, Cons.

Era buca commembers da noss'uniun che han interess e marveglias da fuffergnar inaga tier nus ein envidai cordialmein tier quei exercezi. Sperond sin stedia participaziun salida

la presidenta



Wölfe «en famille»

Freitag, 14. März 2014, 20.15 Uhr im Peter-Kaiser-Saal, Kloster Disentis/Mustér. Co sedeportan lufs en rosch? E tgei munta ei per ils habitonts, l'agricultura da muntogna, la catscha ed il turissemische lufs vivan en gruppas en nossas valladas? Andreas Moser, biolog e redactur dall' emissiun «Netz Natur» dalla Televisiun Svizra e Werner Degonda, guardiaselvaschina cau dil district refereschan e muossan films. Entrada: collecta.

Cordial beinvegni!
www.agricultura.ch, tel. 081 936 48 00.

Uniun da dunnas Mustér Mummas cun affons pigns

Fiera da resti d'affons cun stiva da caffè

Nus prendein encunter bien, schuber ed entir resti da stad e d'unviern tochen grondezia 176, termagls, calzers, sezs d'autos e da meisa, crotschas, velos e.a.v.

Dunnas che drovan ina nova numra, ni han damondas san prender si contact cun Susanne Strupler tel. 081 936 43 14.

Dar giu resti:

Venderdis, ils 21 da mars 2014 dallas 16.30 entochen allas 17.00.
Adatg: mintga grondezia da resti seperà en ina tastga

Vendita:

Venderdis, ils 21 da mars 2014 dallas 19.00 entochen allas 21.00. Sonda, ils 22 da mars 2014 dallas 9.00 entochen allas 10.30.

Retuorn dil resti buca vendiu (minus 20%):

Il resti vegn returnaus e pagaus, sonda, ils 22 da mars 2014 allas 12.30 entochen allas 12.45. Per uorden che maunca surprandin nus negina responsabladad.

Kinderkleiderbörse mit Kaffeestube

Wir nehmen gut erhaltene, saubere und ganze Sommer sowie Winterkleider bis Grösse 176 entgegen sowie Spielsachen, Schuhe, Auto- und Tischsitze, Kinderwagen, Velos usw.

Frauen, die eine Nummer brauchen oder Fragen haben, können mit Susanne Strupler, Telefon 081 936 43 14, Kontakt aufnehmen.

Annahme:

Freitag, 21. März 2014, von 16.30 bis 17.00 Uhr in der Turnhalle Cons, Disentis
Achtung: Jede Kleidergrösse separat in eine Tasche

Verkauf:

Freitag, 21. März 2014, von 19.00 bis 21.00 Uhr
Samstag, 22. März 2014, von 9.00 bis 10.30 Uhr in der Turnhalle Cons, Disentis



Auszahlung (abzüglich 20%) und Rückgabe:

Samstag, 22. März 2014, von 12.30 bis 12.45 Uhr
Für fehlende Sachen übernehmen wir keine Haftung.

Mummas cun affons pigns

Uniun da dunnas

L'oraziun mundiala vegn integrada ella messa dalla **dumengia, ils 16 da mars 2014** allas 9.30 en baselgia a s. Gions Mustér.

Uniun da gymnastica umens Mustér UGM

Invit alla radunonza generala, venderdis, ils 14 da mars 2014 allas 19.30 en l'ustria Fravia a Disla. Suentar la radunonza vegn offeriu l'usitada tscheina.

Cordialmein envida
la suprastonza